

Na osnovu čl. 19. stav 4. i 32a. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06 i 32/07), Agencija za državnu službu Bosne i Hercegovine, u ime Agencije za statistiku Bosne i Hercegovine, raspisuje

JAVNI OGLAS
za popunjavanje radnog mjesta državnog službenika u
Agenciji za statistiku Bosne i Hercegovine

Odjeljenje za međunarodnu saradnju i opšte poslove Agencije za statistiku BiH

1/01 Viši stručni saradnik za međunarodne odnose i EI

Opis radnih zadataka: Obavlja najsloženije stručne i dokumentacione poslove iz oblasti međunarodne statističke saradnje i to: proučava metodološka rješenja međunarodnih organizacija, statistika drugih zemalja i vrši poređenja sa odgovarajućim rješenjima Agencije, prevodi i obrađuje metodološke izvještaje prema zahtjevima međunarodnih organizacija, radi na izgradnji baze podataka međunarodne statističke saradnje radi zadovoljavanja potreba međunarodnih organizacija, prevodi dokumenta za potrebe direktora sa međunarodnih sastanaka; vrši simultano prevođenje na sastancima kojima prisustvuju partneri iz inostranstva, vrši simultano prevođenje na sastancima izvan BiH, ostvaruje redovne kontakte sa svim međunarodnim organizacijama u djelokrugu svoga rada; obavlja i druge poslove iz djelokruga Odjeljenja, po nalogu neposrednog rukovodioca; za svoj rad odgovara načelniku Odjeljenja.

Broj izvršilaca: jedan (1)

Posebni uslov: Fakulteti društvenih, tehničkih prirodnih nauka, 2 (dvije) godine radnog iskustva, položen stručni (upravni) ispit, aktivno poznavanje engleskog jezika i poznavanje rada na računaru

Uslovi: Pored posebnih uslova kandidati moraju zadovoljavati i opšte uslove propisane članom 22. Zakona o državnoj službi u institucijama Bosne i Hercegovine.

Napomena za sve kandidate:

- Komisija bira kandidate na osnovu podataka iz prijave, kao i znanja i sposobnosti pokazanih na stručnom ispitu gdje će se, između ostalog, provjeriti i da li kandidati ispunjavaju neke od posebnih uslova javnog oglasa koji se ne dokazuju dostavljenom dokumentacijom.

- Pod radnim iskustvom podrazumijeva se radno iskustvo nakon stečene visoke školske spreme.

Potrebni dokumenti:

Ovjerene kopije: fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine); važeće lične karte; uvjerenja o položenom javnom ispitu ili stručnom (upravnom) ispitu (u cilju oslobađanja od javnog ispita); potvrde, uvjerenja ili radne knjižice kao dokaza o traženom radnom iskustvu; dokaza o traženom aktivnom poznavanju engleskog jezika; popunjen obrazac Agencije za državnu službu koji se može dobiti u prostorijama Agencija za statistiku BiH ili na web stranici Agencije www.ads.gov.ba.

Mole se kandidata da ne dostavljaju dokumentaciju koja nije tražena tekstem javnog oglasa jer se ista neće uzimati u razmatranje.

- Kandidati koji budu uspješni na pismenom dijelu stručnog ispita obavezni su na usmeni dio stručnog ispita (intervju) donijeti uvjerenje o nevođenju krivičnog postupka (ne starije od tri mjeseca), koje se ne dostavlja zajedno sa drugim dokumentima, u protivnom neće moći pristupiti istom. Iznimno, u slučaju ako kandidat iz objektivnih razloga ne dostavi traženo uvjerenje na intervju, isto treba dostaviti najkasnije do momenta preuzimanja dužnosti, u suprotnom skida se sa liste uspješnih kandidata.

- Kandidati koji nemaju položen stručni (upravni) ispit, prije pristupanja stručnom ispitu će polagati javni ispit u skladu sa Odlukom o načinu i programu polaganja javnog i stručnog ispita za lica koja se postavljaju za državne službenike u institucijama Bosne i Hercegovine ("Službeni glasnik BiH", broj 20/03), izuzimajući čl. 6. i 11. stav 2., koji se ne primjenjuju, zbog toga što se kandidati obavještavaju o mjestu i vremenu polaganja javnog ispita, kao i o rezultatima istog, isključivo putem službene internet stranice Agencije za državnu službu, gdje se i objavljuje javni oglas, od kada i teče rok za podnošenje prijava.

Sve tražene dokumente, osim uvjerenja o nevođenju krivičnog postupka koje se dostavlja na intervjuu, **treba dostaviti najkasnije do 28.12.2007. godine**, putem pošte preporučeno na adresu:

Agencija za statistiku BiH

"Javni konkurs za popunjavanje radnog mjesta državnog službenika u Agenciji za statistiku BiH",
Sarajevo, Zelenih beretki 26

Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje.

decembra 2007. godine
Sarajevo

DIREKTOR
Jakob Finci